



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

08.11.2016թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

ՍՑ-12/16

ՀՀ գնումների բողոքարկման խորհրդի (այսուհետ նաև՝ Խորհուրդ) քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 17.03.2016թ. թիվ 1/73-1/9994-16 և 24.05.2016թ. թիվ 1/73-1/14914-16 գրություններով ներկայացված «Ե.Վ.Ր. ՕՅԼ» ՍՊԸ-ին (ՀՎՀՀ՝ 01209371) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-12/16 բողոք), ինչպես նաև ՍՑ-ԳԲԽ-12/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 31.10.2016թ. ներկայացրած եզրակացությունը, պարզեց.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, «Երևանի կենդանաբանական այգի» ՀՈԱԿ-ի 08.02.2016թ. թիվ 16/10 գրության հիման վրա, 16.02.2016թ. թիվ 1/73-3/5435-16 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել «Ե.Վ.Ր. ՕՅԼ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի

հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

Կենտրոնը 11.03.2016թ. թիվ 01/04.1/899-16 գրությամբ «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով արձանագրել է, որ «Ե.Վ.Ր. ՕՅԼ» ՍՊԸ-ի կողմից 27.01.2016թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Կենտրոնը միաժամանակ տեղեկացրել է, որ խախտումը թույլ տալու պահից (27.01.2016թ.) հաշված մեկ տարվա ընթացքում Ընկերության կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «Ե.Վ.Ր. ՕՅԼ» ՍՊԸ-ն կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Սակայն, ՀՀ ֆինանսների նախարարությունը 17.03.2016թ. թիվ 1/73-1/9994-16 գրությամբ հանձնարարել է Կենտրոնին նախաձեռնել «Ե.Վ.Ր. ՕՅԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

Այնուհետև Նախարարությունը, «Լուսանշան» ՊՈԱԿ-ի 13.05.2016թ. թիվ 093 գրության հիման վրա, 24.05.2016թ. թիվ 1/73-1/14914-16 գրությամբ դիմել է Կենտրոնին՝ խնդրելով ուսումնասիրել «Ե.Վ.Ր. ՕՅԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

2. «Ե.Վ.Ր. ՕՅԼ» ՍՊԸ-ի ներկայացրած փաստարկները և դիրքորոշումը

«Ե.Վ.Ր. ՕՅԼ» ՍՊԸ-ն 29.02.2016թ., 14.03.2016թ. և 14.06.2016թ. գրություններով ներկայացրել է իր առարկությունները և միաժամանակ Կենտրոնին հայտնել է, Նախարարության կողմից տրված տեղեկանքով «Ե.Վ.Ր. ՕՅԼ» ՍՊԸ-ն ՀՀ

պետական բյուջեի նկատմամբ ժամկետանց հարկային պարտավորությունը կազմել է 169 ՀՀ դրամի չափ, սակայն Ընկերության կատարելով համապատասխան ճշտումներ գիտակցել է, որ հայտը ներկայացնելու օրվա դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:

3. «Երևանի կենդանաբանական այգի» ՀՈԱԿ-ի ներկայացրած փաստարկները և դիրքորոշումը

«Երևանի կենդանաբանական այգի» ՀՈԱԿ-ն 08.02.2016թ. թիվ 16/10 գրությամբ ներկայացրել է «ԵՔԿԱ-ՇՀԱՊՁԲ-16/05» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող բոլոր անհրաժեշտ փաստաթղթերը:

4. «Լուսանշան» ՊՈԱԿ-ի ներկայացրած փաստարկները և դիրքորոշումը

«Լուսանշան» ՊՈԱԿ-ն 13.05.2016թ. թիվ 093 գրությամբ ներկայացրել է «ԼՈՒՍ-ՇՀԱՊՁԲ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող բոլոր անհրաժեշտ փաստաթղթերը:

5. ՍՑ-ԳԲԽ-12/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 31.10.2016թ. եզրակացությունը և առաջարկել է ՀՀ ֆինանսների նախարարության 17.03.2016թ. թիվ 1/73-1/9994-16 և 24.05.2016թ. թիվ 1/73-1/14914-16 գրություններով ներկայացված «Ե.Վ.Ր. ՕՅԼ» ՍՊԸ-ին (ՀՎՀՀ՝ 01209371) ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված վեց ամիս ժամկետով:

6. ՍՑ-ԳԲԽ-12/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 17.03.2016թ. թիվ 1/73-1/9994-16 և 24.05.2016թ. թիվ 1/73-1/14914-16 գրություններով ներկայացված «Ե.Վ.Ր. ՕՅԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնված բողոքի քննության համար էական նշանակություն ունեն հետևյալ փաստերը՝

1. «Երևանի կենդանաբանական այգի» ՀՈԱԿ-ի կողմից կազմակերպված «ԵՔԿԱ-ՇՀԱՊՁԲ-16/05» ծածկագրով շրջանակային համաձայնագրերի միջոցով գնում կատարելու ընթացակարգի վերաբերյալ.

- «Ե.Վ.Ր. ՕՅԼ» ՍՊԸ-ն «Երևանի կենդանաբանական այգի» ՀՈԱԿ-ի կողմից կազմակերպված «ԵՔԿԱ-ՇՀԱՊՁԲ-16/05» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով **27.01.2016թ.** ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

- ՀՀ ֆինանսների նախարարության կողմից տրամադրված եզրակացության համաձայն՝ Ընկերությունը Ընթացակարգին մասնակցության հայտը ներկայացնելու (27.01.2016թ.) օրվա դրությամբ ունեցել է ժամկետանց հարկային պարտավորություն 169 ՀՀ դրամի չափով:

- «Գնումների աջակցման կենտրոն» ՊՈԱԿ-ը 02.03.2016թ. թիվ 01/04.1/763-16 գրությամբ դիմել է ՀՀ ֆինանսների նախարարությանը և խնդրել «Ե.Վ.Ր. ՕՅԼ» ՍՊԸ-ին Ցուցակում ներառելու հարցն ուսումնասիրելու նպատակով Կենտրոնին հայտնել տեղեկատվություն Ընկերության կողմից 27.01.2016թ. (հայտը ներկայացնելու օրվա) դրությամբ ժամկետանց հարկային պարտավորություններ ունենալու վերաբերյալ:

- ՀՀ ֆինանսների նախարարությունը 09.03.2016թ. թիվ 1/73-3/8550-16 գրությամբ Կենտրոնին է ներկայացրել ՀՀ ֆինանսների նախարարության Մաշտոցի

տարածքային հարկային տեսչության գրության պատճենը, որի համաձայն «Ե.Վ.Ր. ՕՅԼ» ՍՊԸ-ն 27.01.2016թ. դրությամբ (հայտ ներկայացնելու օրվա դրությամբ) ՀՀ պետական բյուջեի նկատմամբ ունեցել է 169 ՀՀ դրամ ժամկետանց հարկային պարտավորություն:

- Կենտրոնը 11.03.2016թ. թիվ 01/04.1/899-16 գրությամբ «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով արձանագրել է, որ «Ե.Վ.Ր. ՕՅԼ» ՍՊԸ-ի կողմից 27.01.2016թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում: Կենտրոնը, միաժամանակ տեղեկացրել է, որ խախտումը թույլ տալու պահից (27.01.2016թ.) հաշված մեկ տարվա ընթացքում Ընկերության կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «Ե.Վ.Ր. ՕՅԼ» ՍՊԸ-ն կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

- ՀՀ ֆինանսների նախարարությունը 17.03.2016թ. թիվ 1/73-1/9994-16 գրությամբ հանձնարարել է Կենտրոնին նախաձեռնել «Ե.Վ.Ր. ՕՅԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

2. «Լուսանշան» ՊՈԱԿ-ի կողմից կազմակերպված «ԼՈՒՍ-ՇՀԱՊՁԲ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգի վերաբերյալ.

- Նախարարությունը, «Լուսանշան» ՊՈԱԿ-ի 13.05.2016թ. թիվ 093 գրության հիման վրա, 24.05.2016թ. թիվ 1/73-1/14914-16 գրությամբ դիմել է Կենտրոնին՝ խնդրելով ուսումնասիրել «Ե.Վ.Ր. ՕՅԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

- «Ե.Վ.Ր. ՕՅԼ» ՍՊԸ-ն «Լուսանշան» ՊՈԱԿ-ի կողմից կազմակերպված «ԼՈՒՍ-ՇՀԱՊՁԲ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով **29.01.2016թ.** ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

- ՀՀ ֆինանսների նախարարության կողմից տրամադրված եզրակացության՝ Ընկերությունը Ընթացակարգին մասնակցության հայտը ներկայացնելու (29.01.2016թ.) օրվա դրությամբ ունեցել է ժամկետանց հարկային պարտավորություն 169 ՀՀ դրամի չափով:

7. Խորհրդի հիմնավորումները և եզրահանգումը

Խորհուրդը, ուսումնասիրելով «Երևանի կենդանաբանական այգի» ՀՈԱԿ-ի 08.02.2016թ. թիվ 16/10 գրությունը և կից փաստաթղթերը, «Լուսանշան» ՊՈԱԿ-ի 13.05.2016թ. թիվ 093 գրությունը և կից փաստաթղթերը, «Ե.Վ.Ր. ՕՅԼ» ՍՊԸ-ի 29.02.2016թ., 14.03.2016թ. և 14.06.2016թ. գրությունները, Նախարարության 16.02.2016թ. թիվ 1/73-3/5435-16, 17.03.2016թ. թիվ 1/73-1/9994-16 և 24.05.2016թ. թիվ 1/73-1/14914-16 գրությունը և կից փաստաթղթերը՝ հայտնում է հետևյալը.

«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների

գործընթացին մասնակցության իրավունք չունեցող մասնակիցների ցուցակում ներառելու համար:

ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է իր կողմից հաստատված հայտարարություն՝ օրենքով նախատեսված մասնակցության իրավունքի և հրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երկու աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Նույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

1. «Երևանի կենդանաբանական այգի» ՀՈԱԿ-ի կողմից կազմակերպված «ԵՔԿԱ-ՇՀԱՊՁԲ-16/05» ծածկագրով շրջանակային համաձայնագրերի միջոցով գնում կատարելու ընթացակարգի վերաբերյալ.

«Ե.Վ.Ր. ՕՅԼ» ՍՊԸ-ն «Երևանի կենդանաբանական այգի» ՀՈԱԿ-ի կողմից կազմակերպված «ԵՔԿԱ-ՇՀԱՊՁԲ-16/05» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով **27.01.2016թ.** ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

Մինչդեռ, ՀՀ ֆինանսների նախարարությունը 09.03.2016թ. թիվ 1/73-3/8550-16 գրությամբ Կենտրոնին է ներկայացրել ՀՀ ֆինանսների նախարարության Կենտրոնի տարածքային հարկային տեսչության գրության պատճենը, որի **համաձայն «Ե.Վ.Ր. ՕՅԼ» ՍՊԸ-ն 27.01.2016թ. դրությամբ (հայտ ներկայացնելու օրվա դրությամբ) ՀՀ պետական բյուջեի նկատմամբ ունեցել է 169 ՀՀ դրամ ժամկետանց հարկային պարտավորություն ՀՀ պետական բյուջեի նկատմամբ:**

Կենտրոնը 11.03.2016թ. թիվ 01/04.1/899-16 գրությամբ «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով արձանագրել է, որ «Ե.Վ.Ր. ՕՅԼ» ՍՊԸ-ի կողմից 27.01.2016թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Կենտրոնը, միաժամանակ տեղեկացրել է, որ խախտումը թույլ տալու պահից (27.01.2016թ.) հաշված մեկ տարվա ընթացքում Ընկերության կողմից հայտ

ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «Ե.Վ.Ր. ՕՅԼ» ՍՊԸ-ն կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

ՀՀ ֆինանսների նախարարությունը 17.03.2016թ. թիվ 1/73-1/9994-16 գրությամբ հանձնարարել է Կենտրոնին նախաձեռնել «Ե.Վ.Ր. ՕՅԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

Այնուհետև, Նախարարությունը, «Լուսանշան» ՊՈԱԿ-ի 13.05.2016թ. թիվ 093 գրության հիման վրա, 24.05.2016թ. թիվ 1/73-1/14914-16 գրությամբ դիմել է Կենտրոնին՝ խնդրելով ուսումնասիրել «Ե.Վ.Ր. ՕՅԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

2. «Լուսանշան» ՊՈԱԿ-ի կողմից կազմակերպված «ԼՈՒՍ-ՇՀԱՊՁԲ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգի վերաբերյալ.

«Ե.Վ.Ր. ՕՅԼ» ՍՊԸ-ն «Լուսանշան» ՊՈԱԿ-ի կողմից կազմակերպված «ԼՈՒՍ-ՇՀԱՊՁԲ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով **29.01.2016թ.** ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

ՀՀ ֆինանսների նախարարության կողմից տրամադրված եզրակացության՝ Ընկերությունը Ընթացակարգին մասնակցության հայտը ներկայացնելու (29.01.2016թ.) օրվա դրությամբ ունեցել է ժամկետանց հարկային պարտավորություն 169 ՀՀ դրամի չափով:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:**

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «բ» ենթակետերով նախատեսված և մասնակցին վերագրվող խախտման առկայությունը,

- խախտումը թույլ տալու պահից մեկ տարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում «Ե.Վ.Ր. ՕՅԼ» ՍՊԸ-ի ներառելու համար անհրաժեշտ է, որ նույն կետով սահմանված և **Ընկերությանը վերագրվող խախտում թույլ տալու պահից մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ,** քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Խորհուրդն արձանագրում է, որ «Ե.Վ.Ր. ՕՅԼ» ՍՊԸ-ի վերաբերյալ միաժամանակ առկա են Օրենքի 5-րդ հոդվածի 1-ին մասի 4-րդ կետով նախատեսված՝ Ցուցակում ներառելու երկու հիմքերը, քանի որ Ընկերությունը **27.01.2016թ.** մասնակցելով «ԵՔԿԱ-ՇՀԱՊՁԲ-16/05» ծածկագրով շրջանակային համաձայնագրերի միջոցով գնում կատարելու ընթացակարգին, ներկայացրել է կեղծ տվյալ՝ թույլ տալով Օրենքի 5-րդ հոդվածի 1-ին մասի 4-րդ կետի «բ» ենթակետի խախտում և **29.01.2016թ.** կրկին հայտ է ներկայացրել «Լուսանշան» ՊՈԱԿ-ի կողմից կազմակերպված «ԼՈՒՍ-ՇՀԱՊՁԲ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգին, որի շրջանակներում

ևս ներկայացրել է կեղծ տվյալ՝ թույլ տալով Օրենքի 5-րդ հոդվածի 1-ին մասի 4-րդ կետի «բ» ենթակետի խախտում:

Կարգի 125-րդ կետի 1-ին ենթակետի համաձայն՝ Օրենքի 5-րդ հոդվածի 2-րդ մասով նախատեսված՝ գնումների բողոքարկման խորհրդի ընդունած որոշման հիման վրա մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է՝ **6 ամիս ժամկետով**, եթե ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որի հետևանքով տուժանքի, հաշվարկված վնասի, տույժի կամ տուգանքի չափը չի գերազանցում գնումների բազային միավորը և մինչև բողոքարկման խորհրդի կողմից համապատասխան որոշում ընդունվելը՝ պատճառված վնասը, հաշվարկված տույժը կամ տուժանքը վերականգնվել է կամ, **եթե Հայաստանի Հանրապետության պետական բյուջեի նկատմամբ հայրը ներկայացնելու օրվա դրությամբ ունեցել է ժամկետանց հարկային պարտավորություններ** կամ որակավորման չափանիշների, իսկ ապրանքների գնման դեպքում՝ նաև տեխնիկական բնութագրերի գնահատման արդյունքում այդ որակավորման չափանիշները կամ տեխնիկական բնութագրերը որակվել են որպես մասնակցի կողմից ներկայացված հայտարարություններին չհամապատասխանող:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 17.03.2016թ. թիվ 1/73-1/9994-16 և 24.05.2016թ. թիվ 1/73-1/14914-16 գրություններով ներկայացված «Ե.Վ.Ր. ՕՅԼ» ՍՊԸ-ին (ՀՎՀՀ՝ 01209371) ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված վեց ամիս ժամկետով:

ՀՀ գնումների բողոքարկման խորհրդի որոշումն իրավապարտադիր է:


ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:

08.11.2016թ.

Բողոքը քննող հանձնաժողով՝

Նախագահ՝

Անդամ՝



Հայկ Կարապետյան

Էդուարդ Շախկյան